

四庫全書

史部

欽定四庫全書

史部

水經注箋刊誤卷八

九

詳校官監察御史

臣周元良

刑部郎中

臣許兆椿覆勘

總校官降調編修

臣倉聖脈

校對官中書

臣孫玉庭

謄錄監生

臣王錫光

欽定四庫全書

水經注箋刊誤卷八

仁和趙一清纂

漾水篇

西源出隴西嶠冢山會泉

卷二十一
頁九行

一清案隴西下落西縣二字漢書地理志校補泉胡

渭曰當是白水之誤

人言隴西縣嶠冢山在西

卷二十一
頁六行

一清案隴西下當重一西字

天子自春山

卷二十二
頁十八行

一清案穆天子傳作春山

事同徐吾來淵之異

卷二十三
頁十二行

箋曰徐吾當作余吾漢書應劭注余吾在朔方一清
案山海經作余吾與徐字為近

亦西垂官也

卷二十四
頁七行

一清案史記秦本紀文公元年居西垂宮官字誤

世祖至陽河

卷二十四
頁十一行

一清案漢書地理志天水郡有河陽縣河字當倒互

請蜀救至

卷二十四
頁十六行

一清案全祖望云請蜀上據後漢書當補王元二字

願諸將亟罷

卷二十五
頁一行

一清案宋本作亟還一清案亟罷本後漢書隗囂傳

始昌縣故城西

卷二十五
頁三行

一清案始昌上全祖望校增直字

故城西也

卷二十五
頁四行

一清案城西當倒互作西城漢西縣晉改曰始昌屬

天水郡見晉書地理志

水有鹽官

卷二十五
頁七行

一清案水下全祖望校增北字

蘭軍水出于西北

卷二十五
頁十行

箋曰蘭軍字誤宋本作蘭單而下文又有蘭坑疑作

蘭坑一清案非也方輿紀要鞏昌府成縣有蘭皋成

蕭子顯曰武興西北有蘭臯戍去仇池二百里宋元嘉十九年遣裴方明等伐仇池楊難當遣其將苻宏祖守蘭臯是也元豐九域志階州將利縣有蘭臯鎮

雞水出南雞谷

卷二十五
頁十三行

一清案出南二字當倒互

二源水合注

卷二十五
頁十五行

一清案水字衍文

宋太祖遣龍驤將軍裴方明伐楊難當將妻子北奔

卷二

十六頁

六行

一清案全祖望云于文當重難當二字

安西參將魯尚期

卷二十六
頁六行

一清案宋書氏胡傳作參軍

祁山在璠冢之山

卷二十六
頁九行

一清案璠冢之璠當从山作嶠

溪徑逶迤

卷二十六
頁十四行

一清案溪徑之溪當从足作蹊或从彳作溪

漢水入西逕南岸北中岸之上下有二城相對

卷二十
六頁十

七
行

箋曰岍宋本作岍一清案此文多誤當作漢水又西
逕南岍此岍之中句中字移在之字之下

祁山縣去沮五百里

卷二十六
頁十八行

一清案祁山未嘗置縣此縣當移在去沮之下

然世俗名之為皆陵水非也

卷二十七
頁七行

箋曰皆作階一清案然字衍文

東南得城階水

卷二十七
頁九行

箋曰孫云疑作武階一清案東南上落又字孫潛校

增

故都為目矣

卷二十七
頁十七行

一清案故下落以字御覽引此文校增

縣曰循虜縣

卷二十七
頁十八行

一清案下縣字衍文

為氏大師

卷二十八
頁二行

一清案大師當作太師太平寰宇記校改

谷有二源合同注一壑

卷二十八
頁二行

一清案谷當作水合字衍文

漢水又東合洛漢水

卷二十八
頁六行

箋曰孫云洛漢當作洛溪一清案非也方輿紀要鞏

昌府成縣即故武都郡治也有六漢水即洛漢水也

其水源出西和縣境即漢綿諸道地流逕成縣之六

漢堡又西入西漢水六洛音同通用

飛流下注

卷二十八
頁十四行

一清案流黃省曾本作清

今廣業郡治

卷二十九
頁五行

箋曰宋本作廣漢一清案非也方輿紀要犂昌府成
縣下云後魏析下辨道地置廣業郡領白石等縣魏
書地形志廣業郡隸東益州後並同

峽中白水生大石

卷二十九
頁八行

箋曰白一作當一清案非也御覽引此文是峽中有

泉生大石今校正

詡使燒石以水灌之

卷二十九
頁十行

一清案御覽引此文水作醋新唐書地理志云嚴礪
自長舉縣西疏嘉陵江二百里焚巨石沃醢以灌之
通漕以饋成州戍兵即詡之遺法也後漢書注亦誤
作水字

濁水又東南渥陽水北出渥谷

卷二十九
頁十一行

一清案方輿紀要鞏昌府成縣下云泥陽川在縣東

五十里祝穆云水自天水谷發源東南流至泥陽鎮
與栗亭水合東南入徽州界注嘉陵江隋志後魏置
泥陽縣西魏廢入同谷卽此處也與地形志北地郡
之泥陽縣蓋異地而同名此縣旋置旋廢魏叔故不
錄之渥字誤

峰駐月駕矣

卷二十
頁六行

一清案駐黃省曾作枉孫潛云柳僉本同

西南至山

卷二十
頁十行

一清案至下落秦岡二字全祖望校補

故道水右又合黃盧山水

卷二十
十一行

一清案右又二字當互易

漢世有鳳凰至

卷二十
十一行

箋曰舊本作鳳凰上疑當作止吳本作至一清案御覽引此文作止焉

西流注漢水又逕晉壽城西

卷二十
十一行

一清案黃省曾本重漢水二字

白水又東南逕陰平故城南

卷二十一
頁十一行

一清案陰平下落道字漢志續志校增

水出長松縣西南而白馬漢

卷二十一
頁十四行

箋曰漢一作溪一清案而字衍文

白水又東合空冷水

卷二十一
頁四行

一清案冷當從水作冷

西南合南注

卷二十一
頁六行

一清案下南字衍文

共成三溪

卷二十
三頁八行

一清案三當作一

入極溪便即水源也

卷二十三
頁十二行

一清案入上落東字黃省曾本校便字衍文

來合白水

卷二十三
頁十五行

一清案來當作東

白水又東南於吐費城南

卷二十
四頁四行

箋曰孫云疑脫遯字一清案於當作遯胡渭校改

故遂城為段萌矣

卷二十
四頁六行

一清案遂下落名字

與津吏諍打傷其破頭者

卷二十
四頁九行

一清案打傷下全祖望據范史段翳傳校補開筭得

書言五字翳字元章

即是也

卷二十
四頁十七行

一清案即是下落水字

又東南逕平城東

卷二十
五頁五行

一清案平城當作始平城魏書地形志南白水郡有

始平縣

水西北出鄭縣南

卷二十
五頁八行

一清案江水注云宕渠水即潛水渝水矣出漢中郡

南鄭縣巴嶺山鄭縣南當作南鄭縣

與難水合

卷二十
五頁九行

一清案難下落江字寰宇記校補

又東南入漢

卷二十
五頁十一行

一清案入下落于字寰宇記校補

又東南入漢州江津縣東南入於江

卷二十五
頁十二行

一清案此條經文之誤詳具本卷

故仲雍謂涪內地者也

卷二十五
頁十三行

一清案故當作庾仲雍下落所字通鑑注引此文校

正

丹水篇

名高猶山也

卷二十五
頁十五行

一清案名上落一字

水出上洛縣西南楚山

卷二十五
頁二十行

一清案水下落源字名勝志引此文校增

其水兩源合舍

卷二十
六頁一行

箋曰宋本無舍字一清案合舍字屢見注中箋說非是

入于洧

卷二十
六頁七行

一清案洧當作洧即均水也下同

殷湯之名

卷二十
十六頁九行

一清案湯當作商

晉楚之盟

卷二十六
頁十二行

一清案左傳是晉楚有盟朱箋欲改之字作有然古
人引書多抄變其詞苟無害也於義則可

循之則可矣

卷二十
七頁六行

一清案循當作修

黃水出北予山

卷二十七
頁十七行

箋曰一作北子山一清案漢書地理志析縣下云黃
水出黃谷鞠水出析谷俱東至酈入湍水湍水經云
出酈縣北芬山黃水鞠水同出北芬山特異谷耳箋
說無據

因為立順陽郡

卷二十八
八頁三行

一清案為立二字當倒互

謂之浙水

卷二十八
頁十六行

一清案水當作口孫潛校改

汝水篇

亦言出南陽魯陽縣之大孟山

卷二十一
頁八行

箋曰汝州志大孟山在魯山縣西五十里山頂低窪
四圍若城一清案朱氏以魯山縣箋魯陽縣大繆漢
書地理志南陽郡魯陽縣下云有魯山古魯縣未嘗
以魯山名縣也至唐初復置魯州始改縣曰魯山至
今因之

黃栢谷

卷二十一
頁十三行

一清案黃當作蒙說見下

左右深植

卷二十一
頁十五行

一清案深下落松列二字吳琯本校增

歷蒙栢谷

卷二十一
頁二十行

箋曰孫云按上文當作黃栢谷一清案何焯云以下

文觀之則上文黃字亦當作蒙孫氏誤矣

水又東北趣狼臯山者也

卷二十一
二頁四行

一清案水上落汝字

北流逕石碣東

卷二十一 二頁十二行

一清案碣當作碣

揆厥靈圃

卷二十一 二頁二十行

一清案圃黃省增本作圃

溫水殷源

卷二十一 三頁七行

箋曰殷一作數一清案非也殷盛也字不誤

茨薨交池石沼

卷二十一 三頁八行

一清案寰宇記引此文作茨薨交拒方塘石沼今改

正

水出兆山

卷二十一
三頁十三行

一清案兆當作北黃省曾本校

勁期于衛

卷二十一
五頁五行

箋曰期當作朝一清案史記衛世家云懷君三十一年朝魏懷君即勁也衛字誤黃省曾本作魏

王莽之嘉莢也

卷二十一
五頁九行

一清案漢書地理志作嘉美

謂之黃城

卷二十一
五頁十行

一清案謂之上落世字

按漢書

卷二十一
五頁十二行

一清案漢書上落後字此是謝承書

先詣行所

卷二十一
五頁十三行

箋曰孫云行所當作行在一清案春秋經書公朝于

王所即行在也不當妄改

又東南潁川宛縣南

卷二十一
五頁十六行

一清案又東南下落過字

南逕水蓼堆東

卷二十一
頁二十五

一清案水當作木

亂注汝水縣

卷二十一
頁十三行

箋曰縣宋本作也一清案亂下落流字

水出南魯陽

卷二十一
頁十五行

一清案南下落陽字說文校補

北瀆水有窮通

卷二十一
頁一行

一清案北當作此

有增臺記紀氏臺

卷二十一
七頁五行

一清案名勝志引此文作有層臺謂之紀氏臺今補

正

水出亭城西而南逕夏亭城西

卷二十一
七頁十一行

一清案亭城西而南逕六字衍文

即襄城之城父也

卷二十一
七頁十七行

一清案城父下落縣字黃省曾本校增

報楊渠之役

卷二十一
九頁六行

一清案左傳作楊梁

漢水又東

卷二十一
九頁十行

一清案漢水當作湛水

王莽更之定城矣

卷二十一
九頁十五行

一清案更之下落曰字

嘗不耗竭

卷二十一
十頁二行

一清案嘗當作常

徵天下能為兵法

卷二十一
十頁五行

一清案兵法下落者字吳瑄本校

瞰臨城

卷二十一
頁十一行

一清案城下落中字後漢書光武帝紀校補

統兼厥稱矣

卷二十一
一頁三行

一清案矣黃省曾本作耳

汝水又東得醴口水水出南陽雉山

卷二十一
頁七行八行

一清案口水二字當互易雉山當作雉縣漢書地理

志校

郭景純

卷二十一
一頁十四行

一清案于文落曰字全祖望校增

楚惠王以封諸梁子

卷二十一
二頁三行

一清案沈諸梁子高落高字

吏民終不為動

卷二十一
二頁十行

一清案吏民下落推排二字黃省曾本校補後漢書

本傳元有之

乃沐浴服飾寢其

卷二十一
十一行

一清案其下落中字黃省曾本校增後漢書本傳有之

是以于氏書之於神化

卷二十一
十六行

一清案于氏當作于氏

而下注澧水

卷二十一
十八行

箋曰舊本作醴水一清案醴澧字通用

廟前有公子高諸梁碑

卷二十一
十九行

一清案公字上落葉字如曰公子高則疑于公子矣

殘毀頽闕

卷二十一
三頁一行

箋曰一作頓闕一清案頽字不誤

故塘方二里

卷二十一
三頁五行

一清案故當作陂

並諸梁之所竭也

卷二十一
三頁七行

箋曰也舊本作地一清案也字不誤

東與芹溝合

卷二十一
三頁九行

一清案片溝下落水字

建安元年

卷二十一
十四頁二行

一清案安帝改元有建光無建安按後漢本傳是永初元年封此後人填寫之說

城北名馬灣中有地數頃

卷二十一
十四頁七行

箋曰疑作城北名馬一清案孫潛云柳僉本作馬灣若如箋說正不知作何等語也

降粟渚

卷二十一
十四頁十三行

一清案降下落眺字寰宇記校增

永元三年

卷二十一十五頁一行

一清案後漢書安帝即位建元永初後改元初后父之封在元初三年見后紀永元字誤

汶水水首受慎水

卷二十一十五頁五行

箋曰孫云汶水當作陂水一清案水字重文宜衍此即洧水篇之汶水唐時尚有汶柵港

塹水又自瀆東北流注七陂

卷二十一十五頁十二行

一清案七陂當作北陂此與上南陂陂水兩分也

積為同陂

卷二十一
十五頁十一行

一清案同當作鮦漢書地理志汝南郡鮦陽縣應劭

曰在鮦水之陽也

周公舉之為魯卿士

卷二十一
十六頁一行

箋曰宋本無魯字一清案尚書蔡仲之命曰周公以

為卿士孔安國傳云周公圻內諸侯二卿治事孔穎

達正義云周公為畿內諸侯得立二卿左傳定公四

年亦云周公舉之以為已卿士杜預注曰為周公臣
注從史記蔡世家曰為魯卿士朱氏不審乃托名宋
本去之滅裂經史甚矣其妄也

王命之以蔡中呂地也

卷二十一
十六頁六行

箋曰中呂未詳一清案傳云南有荆蠻申呂中當作

申

東南流注至上蔡西岡

卷二十一
十六頁十二行

一清案至字衍文

陂東流

卷二十一
十六頁十三行

一清案陂下落水字

後以為縣

卷二十一
十六頁十四行

一清案後下落楚字全祖望校增

時天下大旱

卷二十一
十七頁五行

一清案下字衍文

熹乃積柴自焚

卷二十一
十七頁六行

一清案熹字衍

主簿崇小史張化

卷二十一
七頁六行

箋曰史宋本作吏一清案主簿下落侯字孫潛校補

小史字不誤

建武十五年更名

卷二十一
七頁十六行

一清案名字衍文是更封鉅侯鉞丹為侯國

民謂之楚王瑟城

卷二十一
七頁十九行

箋曰瑟城當作琴城一清案城字衍文

銅陂東注為富水

卷二十一
七頁二十行

一清案銅當作鮑

又東為北清陂者也

卷二十一
八頁四行

箋曰當作又東北為清陂一清案清陂當作青陂此陂亦名青龍陂也

故陳也

卷二十一
八頁五行

一清案也當作地

陂水於東逕新息亭北

卷二十一
八頁八行

一清案於當作又

廟前有阪

卷二十一
八頁十四行

一清案阪當作陂

汝水又東南逕縣故城西

卷二十一
九頁五行

一清案逕下落原鹿二字

杜預所釋地曰

卷二十一
九頁五行

一清案所字衍文

潁水篇

其水導源崇高縣

卷二十二
二頁三行

箋曰崇一作嵩一清案漢書地理志云嵩高武帝置以奉太室山是為中岳有太室少室山廟古文以嵩高為外方山也師古曰嵩古崇字

其水東流南陽城西

卷二十二
頁十一行

一清案南當作逕

是樵父還牛處也

卷二十二
頁十七行

箋曰一作樊父一清案困學紀聞云古今人表許繇

巢父為二人譙周古史考許由夏帝居巢故一號巢

父則巢許為一人應休璉又謂之山父

潁水又東出陽城關

卷二十二
三頁五行

一清案章懷後漢書光武帝紀注云陽關聚名下亦

云陽關聚城字衍文

亨神于大陵之上

卷二十三
頁十五行

箋曰脫一啟字一清案亨當作享

俗謂之臺陂

卷二十三
頁十八行

一清案臺陂上落鈞字

東遷陽翟故城北

卷二十三
頁二十行

一清案陽翟下落縣字

王隱曰翟本櫟也

卷二十二
四頁六行

一清案翟上落陽字

側水有九山祠碑

卷二十二
四頁七行

箋曰當作水側一清案側水謂臨側水際也字不誤

潁水又東南遷栢祠曲東歷置臺北陂至益潁水之會

淮也

卷二十二
四頁十一
四行至五頁一行

箋曰自臺北陂以下原錯在東南臨潁縣注後今據
宋本改正一清案黃省曾本之錯誤不待言彼文歷
置之下以臺臨水方百步至水受大滌經注共二十
三行計四百十字接入丘城南之上是文當移接後
又東公路臺北之下陂陂水南流積為江陂之上明
白易曉朱氏誤割臺北陂至水受大滌經注一百七
十二字于此遂至迷瞶幾不可復辨孫潛依柳僉抄
本又為改正方還舊觀矣

東歷置

卷二十四
頁十四行

一清案東歷置下當接後五頁五行丘城南至十頁

十九行所未詳

登禪于是地

卷二十二
五頁九行

一清案登下落壇受二字

昔魏文帝禪于此

卷二十二
五頁十一行

一清案禪上落受字

遂于繁昌築靈臺也

卷二十二
五頁十二行

一清案臺黃省曾本作壇

水出褒城縣之邑城下

卷二十二
頁十七行

一清案褒城當作襄城

潁水自縣西小潁水出

卷二十二
頁一行

一清案縣西下落注字出下落馬字孫潛校增

潁水東南逕澤城北

卷二十二
頁三行

一清案澤當作罍下臯澤字相似之澤亦當作罍

即古城臯亭矣

卷二十二
頁三行

一清案城臯二字當倒互

王莽更之曰華望縣也

卷二十二
六頁九行

一清案縣字衍文

徵太常也

卷二十六
頁十三行

一清案也名勝志作焉

又南過汝陽縣北

卷二十六
頁十五行

一清案全祖望云汝古皆作女道元以為方俗之音

非也但不知漢人何以獨用古字于女陽女陰而其

餘則否

又東逕博陽縣城東

卷二十六
頁二十行

一清案縣下落故字

潁水自東堰南流

卷二十七
頁十二行

一清案東堰二字當倒互

又東逕刺史賈逵祠北

卷二十七
頁十八行

一清案刺史上落魏豫州三字

賈良道

卷二十七
頁二十行

箋曰當作梁道一清案注中季梁作季良袁良作袁
梁頗多互借此亦其一也

潁水東側潁有公路城

卷二十二
八頁七行

一清案下潁字衍文

丘頭枕水

卷二十二
八頁十行

一清案丘頭下落南字吳琯本校增

潁水又東南于故城北

卷二十二
八頁十二行

一清案東南下落流字孫潛校增

水上承陽都陵

卷二十八
頁十三行

箋曰陵宋本作阪一清案皆非也當作陂

又東南逕宋公縣故城北縣鄆丘者也

卷二十八
頁十四行

一清案公字衍文郡國志云宋公國蓋以為宋是公
國耳與他縣云侯國例合師古曰封于新鄆號為宋
國後漢書郭憲傳云汝南宋人可証也鄆丘上落即
所謂三字全祖望校增

新溝注之新溝首受交口

卷二十八
頁十八行

一清案兩新溝下俱落水字

封呂清為侯國

卷二十二
八頁二十行

一清案史表作呂青

細水又東南逕細陽故城南

卷二十二
九頁二行

一清案細陽下落縣字

汝陰縣西地有吳城也

卷二十二
九頁八行

一清案地當作北

汝水別瀆又東逕公路

卷二十二
九頁十八行

箋曰此文原本錯寫入東南過潁陽縣注中今據宋
本改正一清案公路下吳瑄本有臺北二字朱氏錯
割入前四頁十四行東歷置之下今移接於此

漢書宣帝封廣陵厲王子劉昌為侯也

卷二十九行二十九

一清案書字衍文也當作國

出于二利之間關女陽之縣

卷二十二行十

一清案于文當重一間字

王莽更名之曰治

卷二十二行十

一清案漢書地理志作閏治今校補

故陶丘縣也

卷二十
十六行

一清案縣當作鄉

汝陰郡汝

卷二十
十七行

一清案魏書地形志汝陰郡晉武帝置治社亭城縣

曰汝陰下汝字誤當作治

所未詳

卷二十
十九行

一清案所未詳之次行接前五頁二行又東南至慎

縣經文至五行水受大滌注文朱氏誤割黃本錯簡
今改正

潁水又東南江陂水注之

卷二十二
五頁四行

箋曰注宋本作流一清案下云陂水南流積為江陂
江亦陂名改作流字非

水受大崇

卷二十二
五頁五行

一清案水受大崇下接前四頁十四行陂陂水南流
至五頁一行益潁水之會淮也朱氏誤割黃本錯簡

今改正大崇之崇當加水作滌方輿紀要壽州下云
大滌陂在下蔡城西北百二十里淮水篇又作天滌
陂誤也

臺北陂陂水南流至益潁水之會淮也卷二十四頁
十四行至五頁

行一

一清案臺北二字係後九頁十八行汝水別瀆又東
逕公路下文朱氏誤割黃本錯簡于此今移接于彼
陂字上接下五頁五行水受大滌至益潁水之會淮

也潯水注盡此次行接後十頁二十行潯水經文

潯水篇

清水東南流

卷二十二
一頁二行

一清案清當作洧

在山上

卷二十二
一頁五行

一清案在上落塢字

塋四周

卷二十二
一頁六行

一清案塋下落域字

河內密人也

卷二十一
十一頁九行

一清案内當作南

凋毀殆盡矣富而非義

卷二十二
十一頁十二行

一清案矣隸釋載此文作夫

東南流于洧

卷二十一
十一頁十七行

一清案流下落注字

洧水又東流南與承雲二水合

卷二十一
十二頁一行

一清案流南二字當倒互

以鄭不時城也

卷二十二
二頁五行

一清案左傳是鄭所以不時城也今本誤

西北流注于洧水水又東南與馬關水合

卷二十二
二頁十二行

一清案上水字重文當作洧

水出北武定岡

卷二十二
二頁十四行

一清案出北二字當倒互

是謂之鄆鄆人者鄭是也

卷二十二
三頁五行

一清案史記註引宋忠世本曰是為鄆人鄆人者鄭

是也今校正鄭字亦誤當作鄆詳本卷

鄆蒙之南

卷二十二
三頁十一行

一清案全祖望云鄆當作都鄆之國都也

登南曰陰

卷二十二
三頁十六行

箋曰登當作參一清案夫參南何以曰陰乎全祖望

云是水南之誤

洧水又東逕新鄭故城中

卷二十二
四頁一行

一清案新鄭下落縣字

史伯謂鄭桓公曰華君之土也

卷二十二
四頁十四行

箋曰鄭語史伯謂鄭桓公曰鄆蔽補丹依繫歷莘君
之土也似非華字一清案史記鄭世家虢果獻十邑
注云虞翻曰十邑謂虢鄆鄆蔽補丹依繫歷華也索
隱引國語亦是華字因學紀聞鄭語依繫歷莘引史
記鄭世家注及水經注俱作華字以証今本之失蓋
宋本原有作莘字者厚齋故特糾正之何焯曰明道
二年國語本前華後河正作華字

宛陵縣

卷二十一
五頁六行

箋曰當作宛陵一清案通鑑釋文辨誤云魏大都督
宇文貴進據潁川東魏行臺任祥退保宛陵史炤曰
宛陵宣城邑彭澤聚在西按史炤參取漢書地理志
及晉書地理志以為釋殊不知地理志漢河南郡又
有宛陵縣晉屬滎陽郡後魏屬陳留郡天平以後屬
廣武郡任祥所退保者也詳考諸志宣城之宛陵與
任祥所保之宛陵字有苑宛之異傳寫者誤以苑為

宛史炤遂誤釋為宣城之宛陵所謂差之毫釐繆以千里也朱氏之誤殆與史炤同而渠水注又改為苑
苑音鬱更為非矣

捕章山水注之水出東捕章山

卷二十二
五頁八行

一清案章當作獐河南總志云校出東二字當倒互

于上下得一樹根甚壯大

卷二十二
六頁四行

一清案上當作土

又按京社地名並云

卷二十二
六頁八行

一清案社當作杜謂京相璠春秋土地名及杜預春秋釋地也

其枝水東南流注沙

卷二十二
十六頁十二行

一清案東南吳瑄本作東北

洧水又東逕隱陵縣故城南

卷二十二
十六頁二十行

一清案隱陵當作鄢陵漢書地理志潁川郡有鄢陵

縣

京相璠曰

卷二十二
十七頁十六行

一清案曰下落鄭地也三字黃省曾本校補

因洧水之北防也

卷二十二
十七行

一清案因當作固全祖望校

又東洧水左迤為鴨子陂也

卷二十二
八頁四行

一清案也字衍文

洧水自穴口

卷二十二
八頁六行

一清案穴口上落大字

左合庾溝

卷二十二
八頁七行

一清案下云餘波南入甲庾溝此脫甲字庾當作庚亦見渠水注

餘波南入甲庾溝

卷二十二
十八頁十行

箋曰克家云波當作陂一清案波字不誤汲水經云餘波南入睢陽城中獲水注云水上承安陂餘波北逕阿育王寺側蓋其詞例也惟波流所界乃能入溝注洧若陂是定體何以能入與注乎

水上承洧水新波縣南

卷二十二
十八頁十三行

箋曰波宋本作汲一清案涌水下落於字

即經所謂茅邑地也

卷二十二
十八頁十六行

一清案茅邑地當作茅城邑

西納北異流

卷二十二
十八頁十七行

一清案于文當作西北納渙流謂渙水也

東西減里

卷二十二
十九頁四行

一清案減當從水作減

河水又東逕習陽城西

卷二十二
十九頁十一行

一清案河水當作洧水

淇水篇

升于洪堤上

卷二十二
十九頁十四行

一清案洪堤下落之字

而流為陂

卷二十二
十九頁十六行

一清案而流二字當倒互

支流脈亂

卷二十二
十八頁八行

一清案脈當作派

又南逕皇帝

卷二十二
十頁十四行

箋曰孫云按下文當作皇臺一清案黃省曾本作皇

亭

潏水又南分二水

卷二十二
十頁十五行

一清案分下落為字

東逕曲强東

卷二十二
十頁十七行

一清案曲强下落城字

即是社縣之濁城也

卷二十二
十一頁一行

一清案是社當作長社

水上承陂水

卷二十二
十一頁三行

一清案陂水上落皇宇

渠水又東逕武亭間

卷二十二
十一頁六行

一清案當作又逕東西二武亭間下云兩城相對是

也

具水城西

卷二十二
十一頁十行

箋曰具宋本作其一清案其水下落自宇

陂上承狼陂

卷二十二
十一行

一清案陂下落水字于文是陂水上承狼陂

春秋左傳曰楚子伐鄭師于狼是也

卷二十二
十一行

一清案左傳作狼淵今校補事在文公九年

逕臣陵城北

卷二十二
十四行

箋曰一作巨陵一清案春秋分記引京相璠土地名作巨陵顧祖禹曰又謂之大陵

漕水篇

如前華後河

卷二十二
十二頁八行

一清案國語若前華後河韋昭解華華國也道元注
洧水能引韋氏之說則此華字是後人傳寫之誤無
疑

循典刑以守之

卷二十二
十二頁九行

一清案循國語作修

世所謂之為鄆水也

卷二十二
十二頁十二行

一清案所孫潛校改亦

渠水篇

渠水自河與沛亂流東榮澤北

卷二十二 二十八行 二十九行

一清案沛當作涕東下落逕字榮澤之榮當從水作榮經傳相承朱氏箋云舊本作榮其陋如此

猶秦之有具圃

卷二十二 十三頁 三行

一清案具圃當作具囿

上下二十四浦津津流逕通

卷二十二 十三頁 五行

一清案津字重文

大斬小斬

卷二十二
十三頁六行

箋曰御覽引此作大斬小斬一清案今御覽正作漸

字

梁惠成王十年

卷二十二
三頁十一行

一清案御覽引此文作十五年竹書紀年事在周顯

王八年正梁惠成王之十年御覽誤也

渠又右合五池溝

卷二十二
三頁十五行

一清案又當作水

中流渠

卷二十二 二十
三頁十六行

箋曰中宋本作下一清案流下落入字

魏嘉平二年

卷二十二 二十
三頁十七行

一清案三國志司馬懿取王陵在嘉平三年二字誤

渠又東不家溝水注之出京縣東南梅山北谿

卷二十
二十

三頁十九
行二十行

箋曰宋本作十家溝一清案寰宇記云鄭水一名不家

溝不姓見晉書束皙傳有不準不姓之不轉注古音

音彪或云與丕字通春秋傳之丕鄭亦作丕蓋其
地有不姓人居之故即姓以名溝也朱箋所引宋本
非矣渠下落水字出京縣上又落水字

為子馮公子格率銳師侵費

卷二十二
三頁二十行

一清案上為子馮上落楚字

俗入謂之管水東北分為二水

卷二十二
四頁六行七行

一清案又當移在東北之上孫潛校正

漢書曹參傳斬擊羽嬰於昆陽

卷二十二
四頁十一行

箋曰新漢書作稱一清案漢書無此字蓋是衍文

清水又屈而北流

卷二十二二十四頁十九行

一清案當作清池水落池字

水出畢城南岡

卷二十二二十四頁二十行

一清案畢城當作華城

西入黃嵯溝

卷二十二二十四頁二十行

一清案全祖望云此即濟水注之黃雀溝鄭國別有

黃嵯溝非此溝也

苑陵縣

卷二十二
十五頁七行

箋曰苑當作苑一清案此是世本郡國志誤文朱氏據之非矣詳見洧水篇

余按林鄉故城在新鄭北東

卷二十二
十五頁八行

一清案北東二字當倒互

如北七十許里苑故城

卷二十二
十五頁九行

一清案苑下落陵字

今是亭南去新鄭故城四十許里

卷二十二
十五頁十二行

一清案新鄭下落縣字

積古之傳

卷二十二
十五行

箋曰克家云疑作稽古一清案積古猶詩言振古字
不誤

世所謂之靖澗水也

卷二十二
十六頁四行

一清案所字衍文

又北東逕伯禽城北

卷二十二
十六頁十一行

一清案北東二字當倒互

即潘岳都碑

卷二十二
十六頁十三行

一清案都下落鄉字

服虔曰博浪陽武二水沙名也

卷二十二
十七頁四行

一清案此文誤也當作博浪陽武沙水二名也詳見

本卷

故世又謂中年臺

卷二十二
十七頁九行

一清案又謂下落之字

遺臺並存

卷二十二
十七頁十三行

一清案臺通鑑地理通釋作基

世謂此亭為却城

卷二十二
十七頁二十行

一清案却當作却

東流北逕焦城東

卷二十二
十八頁三行

一清案流北二字當倒互

陽丘亭西也謂之焦溝水

卷二十二
十八頁四行

一清案也當作世

秦公孫壯率鄭圍焦城

卷二十二
十八頁五行

箋曰率當作伐一清案率下落師伐二字孫潛校增
今本竹書無此二字蓋以意增

東北流逕中牟縣故城

卷二十二
八頁十四行

一清案城下落南字孫潛校增

按中牟當在濕水之上矣

卷二十二
十九頁三行

一清案濕當作濕古濕字春秋分記云定九年晉車
千乘在中牟晉地也在河北趙世家曰獻侯即位治
中牟趙界自漳水以北不及河南臣瓚曰此中牟在

漯水之上又史記注引汲郡古文上作北

而瓚逕濕水

卷二十二二十九頁十二行

一清案而瓚下全祖望校增但字

其水東流北徙注渠水

卷二十二二十九頁十九行

一清案徙吳瑄本作屈

所謂自醬魁城到酢溝十里者

卷二十二三十頁一行

一清案者下落也字

而左會淵流

卷二十二三十頁一行

一清案流當作水

水東南逕西赤城北

卷二十三
十頁五行

一清案水上落渠字西字衍文孫潛校正

周梁伯之居也

卷二十三
十頁十一行

一清案也名勝志矣

續述征記曰以此城為師曠城

卷二十三
十頁十七行

一清案名勝志校衍曰字

魏惠之朝居

卷二十三
十頁十九行

箋曰舊本作即居疑當作所居一清案朝居猶皇居也

為大溝于此郭

卷二十三
十一頁二行

箋曰此一作北一清案輿地廣記玉海引此文並作此明北字是後人所改然而宋本誤也

余謂故汴涉陰溝矣

卷二十三
十一頁四行

箋曰當作汴沙一清案汴沙下落為字全祖望校增

漢氏之儀水

卷二十三
十一頁五行

箋曰一作浚儀水一清案此下有錯簡孫潛依柳僉

鈔本改正浚儀水下接後三十二頁九行無佗也至
三十三頁十一行所謂東汜者也下接此頁五行又
東北逕中牟縣南至三十二頁九行楚東有沙水謂
此水也止本條浚儀縣注盡此次行接三十三頁十
二行又屈南至扶溝縣北經文王海二十一卷浚儀
渠下引水經注云浚儀縣竹書紀年梁惠成王三十
一年三月為大溝于此郭以行圃田之水陳留風俗
傳曰縣北有浚水像而儀之故曰浚儀續述征記曰

汴沙到浚儀而分汴東注沙南流雖于字句有筭節
然續述征記之文次于陳留風俗傳之下足証柳本
較朱箋為長又柳本于又東北逕中牟縣南上有其
水二字蓋謂汜水也左傳僖公三十年秦軍汜南杜
預曰此東汜也在滎陽中牟縣孔穎達正義引釋土
地名曰此東汜也滎陽中牟縣南汜澤是也今以中
牟縣南之文接在所謂東汜之下以其水二字貫之
益見柳本之善注末云楚東有沙水與下扶溝縣注

沙水又東南逕牛首鄉東南文義尤順也方輿紀要
云汜水在中牟縣南東北入官渡水杜預曰此為東
汜水左傳秦軍汜南蓋此水之南也又云官渡水在
中牟縣北中牟臺下其說亦與酈注合

其水更南流

卷二十二
三十一頁十二行

一清案更當作東

梁水于此

卷二十二
三十三頁一行

一清案梁水當作渠水

故尉氏縣有波鄉亭波亭

卷二十三
十三頁三行

一清案上亭字衍文

又東北逕中年縣南

卷二十三
十三頁五行

一清案又東北上落其水二字柳僉本校增

又屈南至扶溝北

卷二十三
三頁十二行

一清案扶溝下落縣字

魯溝又東南逕圉縣故城北

卷二十三
三頁十五行

一清案魯溝下落水字下同

八里溝出馬

卷二十二
三十四頁八行

一清案八里溝下落水字

又有子羽祠祈禱馬

卷二十二
三十四頁十一行

一清案祠下落民字

鄭伯勞屈生于兔氏也

卷二十二
三十四頁十七行

一清案氏字下落者字

又南逕右蒼城西

卷二十二
三十四頁十八行

一清案寰宇記陳留縣下云石蒼城在縣西南七十

里城家記云鄭莊公理開封東南築此城積倉粟因名盛倉城盛與名音近故號石倉城右字誤

又南逕邵亭西

卷二十二
十四頁十九行

一清案當作邵陵亭落陵字

又有長明溝水注之

卷二十三
十五頁五行

一清案有當作西

澤即滎陽苑陵縣東

卷二十三
十五頁七行

一清案即當作在

水出西城北

卷二十二
十五頁十行

一清案西城二字當倒互

陂在長社東北

卷二十二
十五頁十二行

一清案長社下落縣字

城側向岡

卷二十三
十五頁十四行

一清案城側下落有字

長明溝又東逕尉氏縣故城南

卷二十三
十五頁十七行

一清案長明溝下落水字

康溝又東逕城溝縣之白亭北

卷二十二
三十六頁五行

箋曰宋本作扶溝一清案康溝下落水字下同

而東南合石水

卷二十二
三十六頁十二行

一清案石當作右

沙水又南逕小扶城西而流也

卷二十二
三十七頁四行

一清案而當作南

漢順帝永平中封陳敬王孫子恭為侯國

卷二十二
三十七頁五行

六
行

箋曰永平一作永元一清案後漢書陳敬王羨傳永元十二年封敬王子思王鈞六弟為侯註云伏侯古今注曰番為陽都鄉侯千秋為新平侯參為周亭侯壽為樂陽亭侯寶為博平侯旦為高平侯周亭侯即平周亭侯也名參不名恭永元和帝年號非順帝孫字衍文

梁陳扶樂人

卷二十二
三十七頁七行

一清案隸釋國三老袁良碑云良陳國扶樂人郡國

志陳國有扶樂縣落國字

其一者東南過陳縣也

卷二十一 三十一行

箋曰克家云也疑作北一清案也字不誤承上其一者為文

猶為義神實中

卷二十二 三十七頁 十九行

箋曰謝朓申云當作義城一清案全祖望云非也神即祠也

清惠著聞

卷二十三 十八頁 六行

一清案清惠上隸釋校補王字又落君字此即上漢陳相王君造四縣卽閣之碑也

縣曰陵陳

卷二十二 三十八頁十九行

一清案陵陳二字當倒互漢書地理志校正

沙水出焉

卷二十二 三十八頁十九行

一清案沙當作新

南暨華城

卷二十三 三十九頁一行

一清案寰宇記引此文作聲城下云檉卽聲也華字

誤

東逕潯城北

卷二十二
三十九頁二行

一清案潯城當作犛城

大軍至百尺竭

卷二十二
三十九頁七行

一清案大軍下落掩字三國志王凌傳校

史官方之舉正

卷二十二
三十九頁十七行

箋曰一作華正一清案當作華王謂華歆王朗

謂之陽都

卷二十二
三十九頁十八行

一清案陽都下落陂字

水上沙水之津

卷二十二
二十九行

箋曰上字下宋本有承字一清案之當作枝

俗謂之章水也一水東注即注水也俗謂之欠水也

卷二

二十四頁
四行五行

一清案章水當作漳水即漳頭水互見陰溝水篇注
水春秋分記作濮水即春秋傳註所謂夷田在濮水
西者是也欠水當作父水寰宇記城父縣下云父水

在縣東四里受漳水南流經縣入蒙水經云沙水支

分東注

沙水故城北

卷二十二
四十一頁十一行

一清案沙水下落逕字

水經注箋刊誤卷八

欽定四庫全書

水經注箋刊誤卷九

仁和趙一清纂

陰溝水篇

陰溝首受於大河卷縣故瀆

卷二十三
一頁七行

一清按於字當移在大河之下

俱東絕濟隊

卷二十三
一頁十一行

一清按隊當作隧

右溝東西逕陽池城北

卷二十三
一頁十一行

一清按右溝當作右瀆東西當作東南陽池當作陽

武

東南絕長城

卷二十三
一頁十二行

一清按東南上落又字

故云出武陽

卷二十三
一頁二十行

一清按武陽當倒互作陽武

左屈溝與梁合

卷二十三
一頁二十行

一清按溝字當移在梁字下浚儀渠水注云王賁斷
故渠引水東南出謂之梁溝是也

故經云陰溝出菴蕩者也

卷二十三
二頁三行

箋曰者一作渠一清按菴蕩下落渠字非者字當作

渠

碑字傾低

卷二十三
二頁八行

一清按字當作字隸釋校改

大棘也地

卷二十三
二頁十六行

一清按全祖望云也地當作楚地

過水又東逕武平縣故城

卷二十三
三頁四行

一清按故城下落北字

有漢尚書虞詡碑

卷二十三
三頁四行

一清按尚書下落令字隸釋校後漢書本傳云永和

初遷尚書令

康仲後

卷二十三
三頁五行

箋曰康一作虞一清按後漢書本傳注引此文云虞

仲之後

子孫不必不為九卿

卷二十三
三頁九行

箋曰宋本作亦不失為九卿一清按後漢書本傳作
子孫何必不為九卿隸釋引此文云子孫未必不為

九卿今校正

故鄉矣

卷二十三
三頁十三行

一清按鄉上落廣字

入谷謂死過也

卷二十三
三頁十五行

一清按謂當作為

過水又南東屈逕苦縣故城南

卷二十三
頁十六行

一清按南東二字當倒互

過水又東而北屈至潁鄉

卷二十三
頁二十行

箋曰潁當作潁一清按而字衍文潁鄉下落西字

叔彭生會晉郤缺於承匡

卷二十三
頁二行

一清按叔下落仲字春秋校補

冠帶之徒

卷二十三
頁七行

箋曰徒舊本作徙一清按徒衆也字不誤

自隱隸之

卷二十三
四頁八行

一清按自上落十二年三字黃省曾本校補隱當作
隰漢書陳留郡有隰縣

有漢陽種令許叔臺碑

卷二十三
四頁十二行

一清按漢書地理志廣平國有陽臺縣許叔臺當作

許叔種字倒互耳

建寧六年

卷二十三
四頁十四行

箋曰一作元年一清按建寧止於五年元年為是

漢桓帝尼宮

卷二十三
四頁十九行

箋曰宋本作桓帝遣官臣一清按孫潛校改作宦官

又有李老母廟

卷二十三
五頁四行

箋曰克家云舊本作李母前廟疑當作李老君母廟

一清曰老字衍文

然即此城也

卷二十三
五頁十一行

一清按然當作疑

皆雕鏤雲炬

卷二十三
頁二十行

箋曰當作雲烟一清按炬火炬也字不誤

碑陰又刊石策

卷二十三
六頁二行

一清按石策何焯校改詔策

有兄騰冢

卷二十三
六頁四行

箋曰舊本作騰兄冢按司馬彪續漢書曹節四子長

伯興次仲興次叔興騰字季興所謂騰兄則伯仲與

叔也騰更無弟吳本作兄騰似誤又騰少除黃門從

官自小黃門遷至中常侍大長秋在省闈三十餘年
亦未嘗為潁川太守也一清按隸釋載此文正作有
騰兄冢伯仲叔季騰最知名餘則有字而無名三國
志魏書曹仁傳云仁太祖從弟裴松之注引魏書曰
仁祖襲潁川太守斯其人也朱氏乃以騰未嘗為潁
川太守曉曉不置真癡人說夢也

歷太中大夫司馬長史引侍中

卷二十三
六頁十行

一清按引字衍文隸釋校

習讀書傳

卷二十三 六
頁十三行

一清按習讀上落春夏二字三國志注校補

都督揚州

卷二十三
七頁一行

一清按揚州當作揚州

冢南冢南枕道有碑

卷二十三
七頁四行

一清按冢南二字重大宜衍

右北平無終年化

卷二十三
七頁六行

箋曰年化當作年化即造碑故史姓名也一清按隸

釋引此文作年化年亦姓也

過水又東南逕城父縣故城

卷二十三
七頁十行

一清按故城下落北字

東北流逕城父故城西

卷二十三
七頁十二行

一清按城父下落縣字

臨側過水

卷二十三
七頁十七行

箋曰當作側臨一清按臨側字屢見

後罷州立郡

卷二十三
七頁十八行

箋曰舊本作罷州立碑吳本改為立郡一清按魏書
地形志譙州景明中置渦陽郡孝昌中陷領南譙郡
渦陽縣屬焉此即所謂罷州立郡者也

義北門生

卷二十三
八頁九行

一清按趙琦美云下有義城北字是城字之誤隸辨
引此文作義士

遷九江彭城陳留四部

卷二十三
八頁十六行

一清按部當作郡

汲水篇

丹泌亂流

卷二十三
九頁八行

一清按泌當作沁

荀晞

卷二十三
九頁十七行

一清按晉書列傳是荀晞朱箋既引晉書尚仍荀字之誤何也

是則料稟亭也

卷二十三
十頁十六行

一清按料當作科

故曰成安也

卷二十三
十頁十七行

箋曰謝云曰字疑衍一清按曰字乃陳留風俗傳文

不宜衍

漢章帝東巡

卷二十三
十頁五行

一清按漢字衍文

陳留縣

卷二十三
十頁六行

一清按郡國志考城縣屬陳留郡落留字

應亨吉元符

卷二十三
十頁七行

一清按元全祖望校改之

賜越有先列考武王

卷二十三十一頁八行

箋曰先一作光一清按當作烈考武皇謂武帝也

汲水東逕周塢側

卷二十三十一頁十五行

一清按汲水下落又字

漢熹平君立

卷二十三十一頁十三行

箋曰按熹平是漢靈帝年號此云熹平君知有脫誤也宋本亦然其隆失久矣一清按全祖望云錢遵王

本熹平下有中某二字從之

弟刻石樹碑

卷二十三十一
二頁十五行

一清按弟上落其字全祖望校增

隧前有師子天鹿博作百樹柱八所

卷二十三十一
二頁十六行

箋曰博宋本作塼一清按隸釋載此文作累塼作百
達柱黃省曾本同惟誤以塼為博

餘波南入淮陽城中

卷二十三十一
二頁十八行

一清按淮陽當作睢陽漢西京梁國治睢陽續志睢

陽亦居梁國領縣之第一注云唯睢陽城南側有小水南流入於睢是也

汧水又東逕貫城南

卷二十三
二十二頁十九行

一清按貫城當作貫城

汧水又東逕遘縣故城北

卷二十三
三十四頁四行

一清按遘縣當作蒙縣

博聞道家

卷二十三
四十七頁十七行

一清按聞當作問隸釋校

時令太山萬喜

卷二十三
十五頁四行

箋曰喜當作熙一清按當加心作熹

國相東萊王璋字伯義

卷二十三
十五頁九行

一清按後漢書黨錮傳王璋字伯儀東萊曲成人少

府卿

既有經見

卷二十三
十五頁十一行

一清按有黃省曾本作在

獲水篇

宋大夫

卷二十三
十五行

一清按夫竹書紀年作水黃省曾本元是水字

獲水自蒙東山

卷二十三
十五行

一清按山當作出

汧水又東逕虞縣故城北

卷二十三
六頁一行

一清按汧水當作獲水

城東有漢司徒盛允墓公字伯世

卷二十三
六頁四行

一清按墓下落碑字隸釋校補公當作允盛允為司

徒在桓帝延熹三年見范史桓帝紀何焯云當作盛
允見姓氏急就篇然當以史為正

上承黃陂

卷二十三
十六頁十三行

一清按上承上落水字

獲水又東逕礪山縣故城北

卷二十三
十七頁一行

一清按兩漢志後魏志俱作礪縣無山字

見者侶狗

卷二十三
十七頁六行

一清按見者下落云字黃省曾本校增

上承陽陂

卷二十三
十七頁八行

一清按上承上落水字陽陂當作礪陂

山有陳勝墓秦亂

卷二十三
十七頁十五行

一清按秦亂上落觀字孫潛校增

王莽之子秋也

卷二十三
十七頁十八行

一清按漢書地理志作予秋子字誤

獲水又東歷洪溝東注之

卷二十三
十七頁十八行

一清按下東字當作水

卽地理志之虹縣

卷二十三
十七頁二十行

一清按虹為蟠螭音戶公切漢書地理志沛郡埵縣
莽曰貢師古曰埵亦音貢是與虹字有別郡國志作
虹縣斯則司馬彪之異詞非班固之實錄也

獲水北流注之

卷二十三
十八頁五行

一清按六字是經混作注獲當作睢蓋睢水入獲也
注云疑卽經所謂睢水蓋指此也

世謂之蕭縣南山也

卷二十三
十八頁五行

一清按縣黃省曾本作城

處耗積石為梁

卷二十三十八頁十二行

箋曰耗字疑衍一清按處耗二字當互易謂水痕減落之處也

即劉中書澄之所謂白溝水也

卷二十三十九頁二行

箋曰謝云白溝當作白瀆一清按蕭縣志云白溝在縣西北二十里溝字不誤

俗名曰淨淨溝也

卷二十三十九頁三行

箋曰宋本但作名之曰淨溝也一清按淨淨溝之義如深深渠羈羈水源源水涓涓水之類朱氏不察必欲去此重文亦昧矣

勒魚石於彭城

卷二十三十九頁二十行

一清按勒孫潛校改勤事在春秋襄公九年

文潁曰

卷二十三二十頁二行

一清按文潁之潁當从未不从水

項羽都

卷二十三二十頁三行

一清按都下落馬字

魏中郎徐庶

卷二十三
二十頁八行

一清按中郎下落將字

小城西又一城

卷二十三
二十頁十行

一清按又下落有字

宮觀門閣

卷二十三
二十頁十二行

一清按閣黃省曾本作閣說文閣門旁戶正韵內中
門也周圻名義考曰閣為度閣之閣禮內則天子之

閣漢天祿等閣皆謂重屋也閣為閨閣之閣文翁傳
閨閣公孫宏東閣皆謂門也音義並異非可混稱下

邑閣如初之閣亦同

故彭祖國也

卷二十三
二十行

一清按故漢書地理志作古

汴帶泗

卷二十三
十一頁三行

一清按汴上落衿字

睢水篇

按在留使鄉聚名也

卷二十四
一百十行

一清按漢志陳留縣下注臣瓚曰留屬陳故稱陳留
蓋留本鄭邑為陳所升是以酈釋高陽為故留之鄉
聚名也使字誤當作故

故自陳留

卷二十四
頁十八行

一清按陳留下落徒涿二字全祖望校增

陂之東合洛架水口

卷二十四
二頁六行

一清按之當作水

必曰睢陽

卷二十四三
頁十一行

一清按劉昭補注郡國志引地道記曰梁孝王築城

三十里小鼓唱節杵下而和之稱睢陽曲注落曲字

集於彭梁之東

卷二十四
四頁四行

一清按梁當作城

蠡臺而西

卷二十四
四頁八行

一清按而當作如

東即梁王之吹宮也

卷二十四
四頁十五行

一清按宮當作臺

複道自宮東出揚州之門左

卷二十四
五頁四行

一清按沈炳吳云當作東出楊門之左州字衍文

苟不驕述夫何舍焉

卷二十四
六頁二行

箋曰蔡中郎集載此碑作苟不皦述夫何考焉一清

按金石文載此碑作苟不矯述夫何舍焉隸釋改作

稱述

鼎名文曰

卷二十四
六頁九行

一清按名當作銘

廟南列二柱

卷二十四六
頁十三行

一清按二下落石字黃省曾本校增

廟前東北有石駝

卷二十四六
頁十四行

一清按石駝上落二字黃省曾本校增

亦不甚雕飾

卷二十四六
頁十五行

一清按飾黃省曾本作毀

積而為逢洪陂

卷二十四六
頁十六行

箋曰御覽引水經注作積而為逢淇陂一清按淇字誤文何足據也

賣鞞履為業矣

卷二十四
七頁六行

一清按為業下落以正月朔日會故嫗於鄉亭西社教令服食不老即此處二十二字名勝志引此文校

補

王莽之傳治

卷二十四
七頁十行

一清按傳治下落也字名勝志校補

芒碭縣之間

卷二十四七
頁十八行

一清按芒碭下落二字御覽引此文校補

宋恭公之所都也

卷二十四
八頁十行

一清按恭當作共

睢水又左合白瀆水

卷二十四八
頁十五行

一清按白瀆水當作白溝水見前獲水注

又詳

卷二十四
九頁一行

一清按又當作未

睢水逕穀熟兩分而睢水為蘄水

卷二十四
九頁一行

一清按而字當移在為蘄水之上

通為無稱

卷二十四
九頁二行

一清按為當作謂

睢水又東逕符離縣故城北

卷二十四
九頁十行

一清按漢書地理志作符離

睢水東逕臨淮郡之取慮故城北

卷二十四
九頁十二行

一清按取慮下落縣字睢水下落又字

溝舊上承蘄水

卷二十四九
頁十六行

一清按溝當作瀆即長直故瀆也

瓠子水篇

河水舊東河

卷二十四十
一頁八行

一清按下河字當作流

殷之相又都之

卷二十四十
一頁十一行

一清按當作相土落土字史記殷本紀昭明卒子相
土立索隱曰相土佐夏功著於商詩頌曰相土烈烈

海外有截是也左傳曰昔陶唐氏火正閼伯居商丘
相土因之是始封商也

張晏曰依河水自固

卷二十四十一
頁十四行

一清按自固下落又東逕鹹城南六字全祖望云以
先司空本校增

杜預曰東郡濮陽縣有咸城者也是

卷二十四十一頁
十五行十六行

一清按春秋左傳注濮陽縣下有東南二字咸城當
作鹹城也是二字當倒互

魏都尉治

卷二十四十
一頁二十行

一清按魏分立東西兩都尉此為東部都尉治落二字

瓠河故瀆又東逕句陽之成陽

卷二十四十
二頁二行

一清按句陽下落縣字成陽上落小字

是為穀

卷二十四十
二頁四行

一清按穀字下落林字

六國時沮楚同

卷二十四十
二頁十八行

一清按同下落音字

而北去濮陽三十五里

卷二十四十
二頁十八行

一清按而字當作西

又東北逕句陽縣之小成陽縣故東垂亭西

卷二十四
十三頁二

行

一清按小成陽縣之縣當作城故東二字當倒互

而東杜考地驗城

卷二十四十
三頁七行

箋曰當作京相一清按非也當作京杜謂京相璠及

杜預耳與洧水篇京杜地名丈義正同

春秋隱公八年宋公衛侯過於犬丘經書垂也

卷二十四十三

頁十行

箋曰左傳作犬丘一清按注引經傳俱不誤箋說云云于義何取

稱曰靈都

卷二十四十三頁二十行

一清按後漢書章帝紀注引述征記作靈臺隸釋載此文亦作臺都字誤也

記于堯妃

卷二十四十四頁十一行

一清按堯妃下落祠字即中山夫人祠也

堯陵北山甫墓南二冢間伍負祠

卷二十四十四頁十二行

一清按山甫上落仲字伍負上落有字

池澤之東北有陶墟

卷二十四十四頁十八行

一清按池御覽引此文作迤

定陶西南陶丘舜也

卷二十四十四頁五行

箋曰舜一作亭一清按全祖望云非也舜下落所陶

二字朱氏但見漢志注有陶丘亭之文故改舜字以遷就之而不知其有脫文也

田布殺其大夫公孫公孫以廩丘叛于趙

卷二十四十五頁八行

箋曰今竹書作田布殺其大夫公孫孫公孫孫以廩丘叛于趙一清按索隱曰紀年齊宣公十五年立田悼子悼子卒乃次立田和是為太公和田太公相齊宣公宣公卒田會自廩丘叛于趙下公孫乃公孫會也今朱氏引竹書作兩公孫孫殺者是人而叛者又

即其人豈可通乎史記齊世家亦云宣公五十一年

卒田會反廩丘也

春秋傳曰取晉羊角

卷二十四十五頁十二行

一清按傳曰下落烏餘二字

天大雨

卷二十四十五頁十二行

箋曰天舊本作有一清按天字不誤

今魯邑也

卷二十四十五頁十四行

一清按今字誤當作高魚二字

田單之功

卷二十四十
七頁三行

一清按之功下落可立二字黃省曾本校增三國志
程仲德傳元有之

枝瀆上承將渠

卷二十四十
七頁六行

一清按當作故瀆枝字誤

河水自泗口出為濟水濟水

卷二十四十
七頁十六行

一清按河水注云四瀆津西側岸臨河有四瀆祠東
對四瀆口河水分泚亦曰泚水受河也濟水注云河

水自四瀆口東北流而為清清即涕也泗口是四瀆口之誤為當作會濟水二字重文宜衍

即地理志曰如水矣

卷二十四十八頁五行

一清按曰當作之名勝志校改

又屈其城南

卷二十四十八頁十四行

一清按又屈下落還字

都高邑

卷二十四十八頁十五行

一清按漢書地理志千乘郡有高苑縣邑字誤

故俗謂之東苑也

卷二十四十八頁十六行

一清按東下落高字

其上源出盤陽

卷二十四十九頁三行

一清按上源二字當倒互漢書地理志濟南郡有般陽縣應劭曰在般水之陽後魏地形志作盤陽

早則竭耗

卷二十四十九頁五行

一清按耗黃省曾本作涸

時水西北至梁鄒城入于沛

卷二十四十九頁七行

一清按沛當作沛

汶水篇

出草藥

卷二十四十
九頁十五行

一清按草藥二字當倒互名勝志校改

奉高縣漢武帝元封元年立以奉

卷二十四二
十頁十行

一清按以奉下落太山之祀四字全祖望校增

唯趺存焉

卷二十四二
十頁十六行

一清按唯下落故字隸釋校補

又西南逕奉高縣故城而

卷二十四二
十一頁二行

一清按而當作西

出分水谿

卷二十四二
十一頁二行

一清按出上落水字

東南流逕太山東右天門下谿水

卷二十四二
十一頁三行

一清按右當作合

東南流逕龜陰之龜田山

卷二十四二十
一頁十四行

一清按左傳齊人來歸鄆讎龜陰之田龜田二字當

倒互

又有石勒建武十三年

卷二十四
十二頁四行

箋曰後漢郊祀志云建武三十年羣臣上言宜封禪

泰山詔不許三十二年正月上讀河圖感動乃求元

封時封禪故事是年二月東巡狩至于岱宗辛卯封

泰山甲午禪于梁陰此云十三年乃三十年之誤也

一清按注明云石勒建武十三年朱氏以漢建武證

之以為當作三十年可哂甚矣但建武是石虎年號

注云石勒誤耳

又東南流逕南明堂下

卷二十四二十
二頁十行

一清按下南字衍文

降坐明常

卷二十四二十
二頁十一行

一清按常當作堂

於是上令奉高作明堂於汶水

卷二十四二十
二頁十六行

一清按汶水漢書郊祀志作汶上

非憂王實之無柱也

卷二十四二十
十三頁四行

箋曰宋本作王室一清按當作正室何焯校改

赤眉渠師樊崇所堡也

卷二十四二
十三頁七行

一清按師當作帥

山東巢父廟

卷二十四二
十三頁七行

一清按山東下落有字名勝志校增

陽虎據之以叛

卷二十四二
十四頁三行

箋曰舊本作居之一清按據亦作据箋說非

淄水又逕郕北

卷二十四二十
四頁十一行

一清按邨下落縣字續志濟北國成本國劉昭補注
曰左傳衛師入邨杜預曰東平剛父縣西南有邨鄉
剛父晉志作剛平

縣北有曲水池亭

卷二十四二
十五頁二行

一清按池字衍文左傳注校

公會祀侯莒子于曲池

卷二十四二
十五頁三行

一清按春秋經文有盟字今校補

漢章帝元和三年東巡太山

卷二十四二
十五頁五行

一清按後漢書章帝紀是二年

汶水又西逕汶陽縣故城北而注

卷二十四二十五頁七行

一清按而當作西

洗水出焉

卷二十四二十五頁九行

箋曰謝朓申云洗當作洸克家云出焉當作注焉一

清按出字不誤洸水注云洸水出東平陽上承汶水

又云洸水又東南流注于洸水則洸水所注者洸水

也非汶水也

縣治鑄鄉故城

卷二十四二十五頁十行

箋曰宋本作冶鑄鄉一清按非也蛇丘縣治鑄鄉故城豈可改治為治乎

地理志鄉故闡也

卷二十四二十五頁十四行

一清按漢書地理志泰山郡剛故闡鄉字誤

俗又謂之關亭

卷二十四二十五頁十七行

一清按關亭當作闡亭

非禮是也

卷二十四二十六頁五行

一清按傳文曰非禮也此衍是字

然是東去岡城四十里

卷二十四二十
六頁十五行

一清按然是下落亭字

又西南過平章縣南

卷二十四二十
六頁十七行

一清按漢書地理志東平國有章縣落東字

景帝中和六年

卷二十四二十
六頁十八行

一清按和字衍文

王莽之有鹽城也

卷二十四二十
六頁二十行

一清按城字衍文

故在無鹽城東北五十里

卷二十四二
十七頁一行

一清按城字當移在故字之下

水出肥縣東城自源

卷二十四二
十七頁二行

一清按漢書地理志泰山郡有肥成縣肥下落成字
城字衍文自源全祖望校改白原

王莽之成富也

卷二十四二
十七頁六行

箋曰舊本作城富一清按漢書地理志正作成字何

舊本之足云

應劭曰古厥也

卷二十四二十七行

一清按漢書地理志注引仲瑗云古厥國落國字

東平王雲及后謁

卷二十四二十八行

一清按后謁下有錯簡下文漢書石立宣帝起之表也十字當移于此后謁下落曰字漢書之書當作世

全祖望校正

古中都城

卷二十四二十八行

一清按城吳琯本作也

東遂為澤渚

卷二十四二十八頁十二行

一清按遂當作逕

汶水又西逕洽鄉城南地理志曰所謂無鹽有洽鄉者

也

卷二十四二十八頁十九行二十行

一清按洽鄉當作邱鄉師古曰邱音后曰字衍文

世祖叔母名良

卷二十四二十九頁一行

一清按母當作父即趙孝王也後漢書校

東平憲王倉

卷二十四二
十九頁六行

一清按倉當作蒼後漢書校

元和三年

卷二十四二
十九頁六行

一清按三當作二後漢書章帝紀校

一水西逕潁昌城南入浦

卷二十四二
十九頁九行

一清按浦當作涉

泗水篇

皆為非也

卷二十五
一頁十三行

箋曰御覽引此注云皆為此也一清按道元以舜不居泗上故以陶墟舜井之說為非矣

預以木為曲狀

卷二十五
一頁十九行

一清按狀全祖望校改泐

時則謂之原泉祠

卷二十五
二頁三行

一清按則孫潛校改人

春秋襄公二十年季武子取卞

卷二十五
二頁四行

一清按左傳是二十九年落九字

西南逕魯縣北

卷二十五二
頁十一行

一清按逕當作過

京相璠曰杜預並言

卷二十五二
頁十四行

一清按曰下全祖望校增服虔二字

背洙泗牆

卷二十五二
頁十七行

一清按閭若璩云正義引從征記泗牆二字作面泗

章懷後漢書注亦云

冢記

卷二十五
三頁三行

一清按全祖望云當作冢墓記

孔叢子曰

卷二十五
三頁八行

一清按何焯云子字衍文後人所妄加黃省曾本無
子字義門之言良是

石以磬制

卷二十五
五頁三行

一清按以孔宏復曲阜志引此注文作似

公山不狃帥費攻魯

卷二十五
五頁四行

一清按費下落人字左傳校補

漢書秘之

卷二十五
五頁十行

箋曰宋本作漢時一清按全祖望校改世

池臺悉石也

卷二十五
六頁十四行

一清按池字衍文御覽引此注云臺之基岸悉石也

今校正

吾聞也

卷二十五
七頁一行

一清按也當作之

今城鄒山之陽

卷二十五
七頁十六行

一清按今城下落在字孫潛校增

繹邑之所依為名也

卷二十五
頁十九行

一清按所依下落以字通鑑注校補

永嘉中太尉郗鑒將鄉曲逃此山

卷二十五
八頁三行

一清按通鑑注引此文永嘉上有晉字逃作保

詩所謂保其鳧嶧者也

卷二十五
八頁七行

一清按其經文是有字

鄒水又西逕至湖陸縣入于泗

卷二十五
八頁二十行

一清按選字衍文

齊田畝及宋人伐我東鄙

卷二十五
九頁五行

一清按畝當作肝

平陽東北有漆鄉鄩今見有故城

卷二十五
九頁八行

一清按鄩當作郭

洸水從北西來流注之

卷二十五
九頁十行

一清按北西二字當倒互

封將軍陳錯為索侯

卷二十五
九頁十五行

箋曰史記漢書功臣表並作橐侯陳錯為將從擊陳
豨有功舊本水經注亦作橐侯此注改作橐侯未知
何據豈酈君所見史漢別本有異乎一清按非也世
本史漢表俱作橐侯師古音公老翻而小司馬則以
為山陽之屬縣也山陽之屬縣曰橐臣瓚音之曰拓
酈在酈前想六朝時漢表元作橐字至唐始誤作橐
師古不能據地理志以正之朱氏乃云舊本水經注
作橐此注改作橐而且挪揄之曰豈酈君所見史漢

別本有異乎一似舊本更屬他人之書而此注為鄺君所手定借曰異同要是後來傳寫翻刻之訛朱氏寧亦知之否乎又史表是陳錯故索隱曰漢表作錯音措三蒼云九江人名鐵曰錯今云史漢表並作錯豈其然乎

蓋洗洙相入受通稱矣

卷二十五
頁十九行

一清按相入下落互字

荷水即沛水之所苞注以成湖澤也

卷二十五
十頁五行

一清按沛當作沛

地理志曰故湖陸縣也

卷二十五十
頁十一行

一清按前漢為湖陵續志云湖陸故湖陵章帝更名

此引班書不得曰故湖陸

昔桓溫北入也

卷二十五十
頁十四行

一清按桓溫下落之字

北枝水西出逕蕃縣北

卷二十五十
頁十七行

一清按此文誤也當作北水枝出西逕蕃縣北

其水又溉於丘焉

卷二十五十一頁五行

箋曰於丘當作公丘一清按丘即公丘也單舉之以見義耳

縣故城在滕西北

卷二十五十一頁六行

一清按西北下落城周二十里內有子城九字名勝志校補

地理志曰其水西流注於沛

卷二十五十一頁十四行

一清按漢書地理志魯國蕃縣下云南梁水西至湖

陵入沛渠此世本之誤沛當作涕下沛字俱當作涕

故是水為吳王所掘非也

卷二十五
十二頁二行

一清按故下落謂字

止自泗川耳

卷二十五
十二頁三行

一清按自當作是

以今忖古知一延之不通情理矣

卷二十五
十二頁六行

一清按於文當作益知一字誤

左泗水之濱

卷二十五
十二頁十一行

一清按左當作在

晉解揚圍楚致命

卷二十五
二十頁十八行

一清按圍楚二字當倒互言入楚圍以致命楚圍上

仍有脫字

其有亂乎

卷二十五
三頁五行

一清按有左傳是在字

又東逕山陽郡

卷二十五
三頁十行

一清按六字是注混作經

而立公子憑

卷二十五十三頁十四行

一清按憑左傳作馮

殷帝沃丁之時時伊尹卒

卷二十五十三頁十九行

一清按時字重文宜衍

逕卬城縣故城南

卷二十五十四頁三行

一清按逕上落又東二字卬城是郃城之誤

王莽更名之曰郃城矣

卷二十五十四頁四行

一清按郃城字誤當作告成漢書地理志校

又東遼單父故城南

卷二十五十四頁五行

一清按單父下落縣字

王莽更名斯縣為利善矣

卷二十五十四頁九行

一清按漢書地理志山陽郡單父縣莽曰利父師古曰音善甫後人訛寫作利善也

水上承濰水

卷二十五十四頁十行

箋曰一作濰水下同一清按濰濰古字通用詳濰水篇

又逕豐西潭

卷二十五十四頁十四行

一清按潭當作澤

清水即泗水之別名也

卷二十五十五頁七行

一清按泗水當作泡水

縣治故縣南垞上

卷二十五十五頁二十行

一清按故縣之縣黃省曾本作城

故亭今有高廟

卷二十五十六頁一行

一清按高下落祖字

廟闕崩禡

卷二十五
十六頁二行

一清按禡字誤刻當作禡

山抗泗水上而盡石

卷二十五
十六頁八行

一清按抗蒙宇記引此文作枕而當作西西上二字

當倒互

其所持天基二石

卷二十五
十六頁十四行

一清按天基當作天竺

今彭城南有項羽掠馬臺

卷二十五
十七頁五行

一清按掠當作涼

推考書墓事近於此也

卷二十五十七頁六行

一清按墓事二字當倒互

即陸賦所云

卷二十五十八頁一行

一清按此是陸機行思賦全祖望校補三字

晉太原九年

卷二十五十八頁二行

一清按晉武帝建元太元原字誤也

以利運漕者

卷二十五十八頁四行

箋曰晉書以利漕運一清按者字衍文

沂水流納注焉

卷二十五十八頁七行

一清按納字衍文

王莽之閏儉

卷二十五十八頁十行

一清按閏儉下落矣字孫潛校增

秦嘉東陽郡

卷二十五十八頁十行

一清按郡下落人字漢書高帝紀注校增詳本卷

其上城中有司馬石苞

卷二十五十八頁十三行

一清按司馬上落大字

因相詢問

卷二十五十八頁十八行

箋曰風俗通云因相借問一清按黃省曾本作尋問

王莽之樂亭也

卷二十五十九頁二行

一清按樂亭上落和字漢書地理志校增

以即名之也

卷二十五十九頁二行

一清按以即二字當倒互

泗水東南至下相縣故城東

卷二十五十九頁六行

一清按至黃省曾本作逕

更增修郭

卷二十五十九頁十五行

一清按郭當作廓

泗水又東南逕淮陽城城北臨泗水

卷二十五十九頁十九行

箋曰一本無城字一清按非也下城北二字當倒互

於文是泗水又東南逕淮陽城北句城臨泗水

沂水篇

東南左合桑預水

卷二十五二十頁十四行

一清按東南下落流字

出魯山

卷二十五十
頁十五行

一清按出上落水字

東南流注沂水水又東逕蓋縣故城南

卷二十五二
十頁十六行

一清按上水字當作沂

與沂水合

卷二十五二
十一頁二行

一清按沂水上胡渭校增小字

孟康曰縣故鄆邑今鄆亭是也

卷二十五二
十一頁三行

一清按兩鄴字漢志注俱作鄆今校改

封城陽共王弟吉為東苑侯

卷二十五二十一頁四行

箋曰孫按史漢年表俱作東莞侯索隱曰屬瑯琊一

清按史漢表皆作子注云弟誤也下盧侯稀亦誤以

子為弟

水出時密山莒地莒人歸共仲于魯及密而死是也

卷二

十五二十一

頁十六行

一清按山下落春秋時三字莒地下落左氏傳三字

方輿紀要引此文校增

密水東南流逕東安城南

卷二十五二十
一頁十六行

一清按密水上落時字下同

又南東廬川水注之

卷二十五二
十二頁七行

一清按南東二字當倒互廬川當作廬川

右合蒙陰二水水出蒙陰山

卷二十五二十
二頁十二行

一清按二字行丈水出蒙陰山當作蒙山之陰

有洛水注之

卷二十五二
十三頁四行

一清按漢書地理志泰山郡南武陽縣冠石山治水所出洛當作治下同

有蒙祠

卷二十五
二十
十三頁
七行

一清按漢書地理志校衍蒙字

洙水篇

漢景帝中元五年封后兄信為侯國

卷二十五
二十
五頁
十一行

一清按元字衍文后兄下落王字

于汴城西南泗水亂流

卷二十五
二十六頁
一行

一清按西南全祖望校改而與

洙水西北流逕孔里此

卷二十五二十六頁三行

一清按此當作北

門又結石為水門

卷二十五二十六頁五行

一清按又黃省曾本作右

邾庶其以漆閭丘來奔者

卷二十五二十六頁八行

一清按者下落也字

洙水出東平

卷二十五二十六頁十三行

一清按漢書地理志泰山郡有東平陽縣落陽字

水首受洙

卷二十五二十
六頁十八行

一清按洙下落水字

洙水又東南流注于洙水又南至高平南入泗

卷二十
五二十

七頁三
行四行

一清按洙下當重一洙字高平下落縣字

洙水篇

左右峴水

卷二十六
一頁十二行

一清按右當作合通鑑注校

水出東諸縣西箕山

卷二十六
一頁十六行

一清按漢書地理志無東諸縣而諸縣別有東諸城
見澠水篇縣當作城

如殖有罪

卷二十六
二頁二行

一清按如殖下落死字孫潛校補

城為之墜

卷二十六
二頁七行

一清按墜當作隳許規切本作墜說文解字敗城阜

曰陸徐錯曰俗作隳非是今相承通俗用之

壁帶飾以金銀

卷二十六
二十行

一清按壁當作壁

水發三注山

卷二十六
十八行

一清按注當作柱方輿紀要校

西南流逕辟城城南

卷二十六
十九行

一清按城字重文宜衍

郎祝魯之音

卷二十六
十三行

一清按郎當作即

王莽更之祝其亭也

卷二十六三
頁十四行

一清按更之下落曰字

漢景帝八年封石綰為侯國

卷二十六三
頁十六行

一清按史漢表傳皆是衛綰石字誤也又八年亦是
六年之誤見本篇

洮水又南逕陵山西

卷二十六三
頁十七行

一清按陵山上落建字方輿紀要云建陵山在海州

沭陽縣西北百里與山東郯城縣接境山南北長而東西狹上多陵漢因以名縣

魏正元中齊王之鎮徐州也

卷二十六
三頁十八行

一清按正元曹魏高貴鄉公紀年此是拓跋魏孝明帝正光年中事也齊王即蕭寶夤魏書蕭寶夤傳云神龜中出為都督徐南兗二州諸軍事車騎將軍徐州刺史正光二年徵為車騎大將軍是也

自流三十里

卷二十六
三頁十九行

一清按自下落戍字

粗水而南

卷二十六
五頁七行

一清按而當作西

巨洋水篇

王韶之以為巨戛

卷二十六五
頁十二行

一清按戛當作戛通鑑注校

山導丹水有二源

卷二十六五
頁十八行

一清按山導二字衍文全祖望校

西丹自穴山

卷二十六
頁十九行

一清按西丹下落水字穴山是凡山之誤

出方山

卷二十六
頁二十行

一清按出上落水字

丹水又東北逕望臺東

卷二十六
六頁五行

一清按當作望海臺方輿紀要云望海臺在壽光縣

東北四十里相傳秦始皇所築下云巨洋水又東北逕望海臺西東北流伏琛晏謨並以為平望亭是也

有一祀目之為治泉祀

卷二十六
六頁九行

一清按二祀字俱當作祠

持節東州

卷二十六
六頁十三行

一清按持節當作侍節齊乘校隋書麥鐵杖傳云陪

麾問罪亦其義也

巨洋又東北逕安粟山東

卷二十六
七頁二行

一清按巨洋下落水字

東南逕逢山下祠西

卷二十六
七頁四行

一清按下字衍文漢書地理志校

洋水又南東歷逢山下

卷二十六
七頁五行

一清按南東二字當倒互

麓三成

卷二十六
七頁五行

一清按麓上落山字齊乘校補

聞數十里

卷二十六
七頁八行

一清按聞上落聲字方輿紀要校增

地理志石膏山洋水是出也

卷二十六
七頁十二行

一清按漢書地理志臨朐縣石膏山洋水所出此落
所字是出二字當倒互

巨洋又東北得邳泉口

卷二十六七
頁十三行

一清按巨洋俱當作洋水落水字後並同蓋即齊乘
之所謂北洋矣

左思齊都賦曰嶼嶺其左是也

卷二十六七
頁十九行

一清按嶼嶺下落鎮字下引齊都賦牛嶺鎮其南

王莽更之愈縣也

卷二十六
八頁四行

一清按愈漢書地理志作俞更之下落曰字

臺西有方地

卷二十六
八頁五行

一清按地名勝志作池

渾側有一墳

卷二十六
八頁八行

一清按渾當作墓

漢武帝元朔三年

卷二十六
八頁十四行

一清按三表作二

又西北流而注于巨淀矣

卷二十六
八頁十五行

箋曰謝云當作注于巨洋一清按漢志云石膏山洋水所出東北至廣饒入鉅定謝說非是

巨洋水自湖東北流

卷二十六
八頁十七行

一清按溜水注云巨淀縣東南則巨淀湖注落二字

水出劇縣南有崩山

卷二十六
九頁一行

一清按有當作角名勝志校改

俗人以其山角

卷二十六
九頁二行

一清按山角下落若崩二字名勝志校補

今日狼水

卷二十六
九頁十三行

一清按當作白狼水落白字

今河南有尋也

卷二十六
十頁一行

一清按也當作地

皇甫謐曰衛也

卷二十六
十頁三行

一清按也當作地

夏相徙南丘

卷二十六
十頁四行

一清按南丘當作帝丘

收斟灌尋二國之餘燼

卷二十六
十頁十一行

一清按斟灌下落斟字

以上推傳

卷二十六
十頁十五行

一清按上當作土

巨洋水東北逕望海臺西

卷二十六
十一頁一行

一清按水下落又字孫潛校增

溜水篇

少為府小吏

卷二十六
十一頁二十行

一清按小吏當作小史下同

岑山上有神象

卷二十六十二頁一行

一清按岑山二字當倒互

東北流山爾雅出前左之文

卷二十六十三頁十五行

一清按山全祖望校改由

又去萊差近

卷二十六十三頁十八行

一清按又上落緣陵二字

其猶晉氏深翼居絳

卷二十六十四頁九行

一清按居全祖望校改名

虜其民寶居因郭以名之

卷二十六十四頁十一行

箋曰當作虜其民寶居郭因以名之一清按春秋經
莊公六年齊人來歸衛俘孔氏正義曰釋例曰齊人
來歸衛寶公羊穀梁經傳及左氏傳皆同唯左氏經
獨言衛俘三家經傳有六其五皆言寶說文保從人
采省古寶保二字通用或轉寫作俘此即虜其民寶
之說事見孟子及戰國策蓋晉王虜燕之民寶以居

臨淄之外郭齊民故稱之虜城民卽旄倪寶卽重器
朱氏改寶為寶非也

漢高六年

卷二十六十四頁十二行

一清按漢高下落帝字

世謂之治嶺山

卷二十六十五頁三行

一清按治當作治

宜城修築

卷二十六十五頁十二行

一清按城當作試孫潛校改

其不可固城者在此

卷二十六十五頁十四行

一清按不孫潛校改水

水出南山頂洞開望若門

卷二十六十六頁八行

一清按南山下名勝志重一山字若門下吳琯本有

焉字今校補

狀同洪井

卷二十六十六頁十一行

一清按井當作河

水北則長廡徧駕

卷二十六十六頁十五行

箋曰舊本作偏駕一清按偏字較長

陽水又東東逕陽城東南

卷二十六十六頁十七行

箋曰下東字疑衍一清按非也當移在陽城之上

即謂城之東陽城

卷二十六十六頁十九行

一清按上城字衍文

竭窮斯牲

卷二十六十七頁七行

一清按竭孫潛校改謁

伏琛所未詳也

卷二十六十八頁三行

一清按未黃省曾本作不

侍其衡

卷二十六
八頁四行

箋曰三字未詳一清按庖林云玉海姓氏急就篇曰
侍其氏漢廣野君裔孫賜氏食其後有為武帝侍中
者合官與氏而稱焉漢有侍其元矩魏有侍其衡附
曰廣野君在高祖初至武帝時七十年安得遽至裔
孫而又曰後為侍中者何年寡而世多也伏滔青土
人物論稱後漢有侍其元矩與孫賓碩劉公山並敘

正當魏武時又為齊人則元矩非即衡字耶

女水東北流逕東平安縣故城南

卷二十六十八頁十二行

一清按漢書地理志留川國東安平縣下云菟頭山

女水所出東北至臨淄入鉅定闕駟曰博陵有安平故此加東平安二字當倒互

然後更流注北楊水

卷二十六十八頁十三行

一清按楊當作陽

博陵有平

卷二十六十八頁十八行

一清按有下落安字漢志校補

又逕安平城東

卷二十六十八頁二十行

一清按安平上落東字

東北入淀

卷二十六十八頁二十行

一清按淀上落巨字

菟頭山

卷二十六十九頁一行

一清按菟當作菟漢志校

時水出齊城西南北二十五里

卷二十六十九頁三行

一清按南字衍文通鑑注校

即如水也

卷二十六十九頁三行

箋曰孫云如水當作𪗇水一清按如水本漢志別作
𪗇水瓠子水注云時即𪗇水也音而即地理志之如水
矣彼入汴而此入溜逕流雖異而名稱是同正不當
改如作𪗇也

故謂之愚公故山水有石梁

卷二十六十九頁九行

一清按下故字衍文

亦謂為石梁水

卷二十六
九頁十行

一清按亦謂下落之字

本渠也

卷二十六
九頁十五行

一清按左傳昭公十一年楚申無宇曰齊渠丘實殺
無知杜預注曰渠丘今西安也齊大夫雍廩邑落丘
字

世謂寒泉也

卷二十六
九頁二十行

一清按世謂下落之字

張逸問贊云

卷二十六二
十一頁一行

一清按問下落書字何焯校增

然棘下又是齊城內地名

卷二十六二
十一頁五行

一清按齊當作魯何焯校改

雖異名于見

卷二十六二
十一頁八行

一清按于當作兩

臺西有石柱碑

卷二十六二十
一頁二十行

箋曰一作石柱碑一清按非也隸釋載此文作石社

碑

葵丘不在齊也

卷二十六二
十二頁五行

一清按葵丘上落明字名勝志校增

以瓜時而往還之期

卷二十六二
十二頁七行

一清按而當作為

故今無寵之妹

卷二十六二
十二頁八行

一清按妹當作妹左傳校

因無知之絀

卷二十六二
十二頁九行

箋曰絀當作出一清按左傳云僖公之母弟曰夷仲
年生公孫無知有寵于僖公衣服禮秩如適襄公絀
之絀字本經傳不可妄改也

時水西左迤為潭

卷二十六二十
二頁十五行

一清按下云又西北流注于時此不得云時水也當
是余水之誤

澠水又西逕樂安南博昌縣故城南

卷二十六二十
二頁十九行

一清按上南字衍文

在齊西北四十里

卷二十六
二十三頁二行

一清按在齊下落城字

又東北至皮丘沉

卷二十六
三頁十八行

一清按沈當作坻如馬常坻之坻下同

汶水篇

趙烈侯

卷二十六
十四頁五行

一清按何焯云據竹書紀年趙烈侯在未命侯以前

當依今本作子

史記所謂齊威王越趙侵伐我長城者

卷二十六二
十四頁六行

一清按史記田齊世家云威王九年趙人歸我長城
六國表云威王十一年趙取我長城又趙成侯七年
侵齊至長城越黃省曾本作曰音近致訛伐我二字
當倒互

汶水自縣東北逕嵒城北

卷二十六二
十四頁九行

一清按沈炳吳云部諸本誤作嵒春秋莊公元年齊
遷紀部杜預曰部在朱虛縣東南說文部東海縣故

紀侯之邑漢書地理志東海郡有郚鄉縣續志無之
蓋東京廢省而劉昭補注朱虛下引左傳杜注皆作
郚無从山作嵒者是蓋因上嵒山而訛以為縣名也

朱虛縣東四十里有嵒亭城

卷二十六二十四頁十行

一清按亭城二字當倒互嵒當从卩作郚

亭在丘城東北十里非城也

卷二十六二十四頁十七行

一清按丘城上落渠字下城字衍

又東北入于縣

卷二十六二十四頁十九行

一清按漢書地理志瑯琊郡朱虛縣下云泰山汶水所出東至安丘入維縣字誤

澮水篇

澮水出瑯琊箕縣

卷二十六二十五頁五行

一清按元和志澮水在密州莒縣東北八十里澮水所出注云澮水導源澮山箕縣下落澮山二字

城即秦王之所築也

卷二十六二十五頁八行

一清按王當作皇下同

謂瑯琊臺

卷二十六二
十五頁九行

一清按謂下落之字

乃徙黔首二萬戶于瑯琊山下

卷二十六二
十五頁十一行

一清按二當作三史記校

高五里

卷二十六二十
五頁十二行

一清按高當作廣

淵主靈馬

卷二十六二十
五頁十三行

一清按主天中記引此文作至

東南流折泉縣東

卷二十六二十
五頁十九行

一清按流下落逕字

晏謨並明灘水為扶淇之水

卷二十六二十
六頁十三行

一清按晏謨下落伏琛二字

王莽之合丘也

卷二十六二十
六頁十七行

一清按合當作令漢書地理志校

亦曰障日山

卷二十六二十
十八頁九行

一清按障日山下落山勢高峻隔絕陽曦即此山也

十二字名勝志引此文校補

東北逕高密故城南

卷二十六二十八頁十五行

一清按高密下落縣字

宣帝平始元年

卷二十六二十八頁二十行

一清按平始當作本始

水西有鴈阜

卷二十六二十九頁四行

一清按寰宇記引高士傳曰鄭元葬于劇東後以墓壞歸葬礪阜在高密縣西北五十里鴈字誤也

地理志曰有三石山祠

卷二十六二十
九頁十三行

一清按三石山當作三戶山今本漢志亦誤作石字
方輿紀要山東平度州三固山一名三戶山漢書郊
祀志宣帝信方士言祠太室山于即墨三戶山于下
密即此山也

余按應劭

卷二十六二十
九頁十四行

一清按應劭下落曰字

又東北逕都昌縣東

卷二十六二十
九頁十六行

一清按逕當作過

膠水篇

又逕扶縣故城西

卷二十六三
十頁十行

一清按扶漢書地理志作却

春秋僖公九年

卷二十六三
十頁十三行

一清按經傳是二十九年落二十字

王莽之扶國也

卷二十六三
十頁十七行

箋曰宋本作扶國一清按非也漢書地理志琅邪郡

柘縣莽曰被同被師古曰音廢

又東北逕晏伏所謂黔陬城西四十里有膠水者也

卷二

十六三十

頁十九行

一清按四十里有膠水者也八字重文宜衍

今膠水北逕晏伏所謂西黔陬城東高密郡側有黔陬

縣

卷二十六三
十一頁二行

一清按今字當移在高密郡側之上

縣王莽更名之曰原亭也

卷二十六三
十一頁六行

一清按縣下落故字曰字衍文

故萊夷邑也

卷二十六三十一頁六行

一清按萊夷下落維字漢志校補

膠水又北逕膠陽東

卷二十六三十一頁九行

一清按膠陽下落縣字

又東北逕左會一水

卷二十六三十一頁十一行

一清按逕當作流

縣故王莽更之東萊亭也


卷二十六三十一頁二十行

一清按更下落名字

所謂之溟海者也

卷二十六三
十二頁五行

一清按之字衍文



水經注箋刊誤卷九